

Oslobođenje, 26/04/2007 Notari u FBiH od 4. maja

# Pomoć građanima i sudovima

## Radom notara sudovi i općine trebali bi biti znatno rasterećeni

Notari u Federaciji BiH počće raditi 4. maja. Od tog dana, sudovi FBiH više neće biti ovlašteni za ovjeravanje izjava, prepisa, potpisa, punomoći, ugovora o prometu nepokretnosti i prava...

Na snagu će tada stupiti i novi način sačinjavanja osnivačkih akata privrednih društava i upisa u zemljišne knjige.

Ovo je istaknuto u srijedu, na sastanku novoimenovanih notara

Sarajevskog kantona i predstavnika Općinskog suda u Sarajevu, kojom se prilikom razgovaralo o zajedničkom nastupu u predstojećem periodu.

**Goran Salihović**, predsjednik Općinskog suda u Sarajevu, kazao je da će pomoć notara sudovima biti izuzetno velika. Naglasio je i da su sudovi spremni pružiti punu podršku početku njihovog rada.

Kako je pojasnio **Mušir Brkić**,

predsjednik Notarske komore FBiH, notari će imati sjedišta u općinama, a njihovo djelovanje biće ograničeno na kantone. U Sarajevskom kantonu radit će ukupno 25 notara.

Očekuje se da će radom notara sudovi i općine u Federaciji BiH biti znatno rasterećeni, što će imati značajan uticaj na pravnu sigurnost i efikasnost, istaknuto je.

J. F.